

Faexgeq Didlungz

□ Yiz Ciz/余 执

Sai: Gou gag gwn gag youq, Byoemgyaeuj hau liux caez, Baenz geq caengz miz maex(yah), Vunz mbouj gyaez guhdoi.	Miz hang rox fong cauq, Gou mbouj miz ngaenz laux, Dauqcawq ra mbouj dawz.	Gou naeuz mwngz mbouj saenq, Baengh dajciengx gwndaenj, Ndaenq mbouj miz boux bang.	Sai: Mwngz mbouj dwg vunz yoq(ca), Rox gwn youh rox gai, Mwngz gwn ndaej geijlai, Gangjvah gvai lumj enq.
Sai: Gou gag gwn gag youq, Roux(ninz) lumj mou lumj ma, Langh caiq mbouj miz baz, Fouz vunz ra guhdoi.	Sai: Vunz baenz sueng baenz doiq, Boiq hawj gou boux ndeu, Meh naeuz gou mingh biu(mbang), Boux ndeu vunz mbouj nyiengh.	Sai: Mwngz ciengx mou ciengx gaeq, Bibi ndaej conz ngaenz, Gou uk naemj mbouj daengz, Guh mbouj baenz saek yiengh.	Mbwk: Gou yaek siengj gai mak, Fajbak mbouj lumj vunz, Boux gvaq laj gvaq gwnz, Ndwn riu gou daengz haemh.
Sai: Gou gag gwn gag youq, Haemh boux ndeu haeujninz, Hwnj congz mbouj swiq din, Ninz lumjnaeuz duzdoengh.	Sai: Vunz baenz sueng baenz doiq, Boiq hawj gou langh vaiz, Raeuz geq mbouj rox dai, Deng langh vaiz gvaqciuh.	Mbwk: Ciengx mou caiq ciengx gaeq, Yaek ndaej gijmaz cienz, Doxgaiq yienghyiengh bengz, Canh maenz cienz mbouj heih.	Sai: Guhbuenq cix naeuz heiq, Raeq reih lau dwgrengz, Guh yienghneix mbouj deng, Roengzrengz ra monzloh.
Sai: Gou gag gwn gag youq, Gouj ngoenz bet ngoenz youz, Lumj ma youh lumj mou, Bouxboux naeuz gou baih.	Sai: Vunz baenz sueng baenz doiq, Mbouj boiq baz hawj gou, Vunz gvanbaz bae youz, Gou langh vaiz ndaw doengh.	Sai: Doxgaiq bengz mbouj heiq, Hwnjheiq ciengx lailai, Danhfanz ciengx mbouj dai, Gai bae cungj ndaej canh.	Mbwk: Ndaej beix daeuj vix loh, Buenq noh hix ndaej gwn, Ganq baenz ngoenz baenz hwnz, Lauheiq mwngz mbouj nyienh.
Sai: Gou gag youq gag gwn, Fwn doek mbouj okrog, Gou boux ndeu boux dog, Lumj mouhog gyangranz.	Sai: Ngoenzngoenz bae langh vaiz, Ok gai vunz mbouj yiuq, Vunz gvanbaz bae liuh, Diuq angq lumj mbaj mbin.	Mbwk: Mou mbouj ndaej fat ae, Gaeq mbouj ndaej fat bingh, Cukseng hix dwg mingh, Dingq gohyoz cij baenz.	Sai: Cijaeu mwngz gietdingh, Gou buekmingh gaen laeng, Buenq noh rox buenq baengz, Naemj daengz mwngz cix guh.
Sai: Gou gag gwn gag youq, Mbouj hwnj bya hwnj geng, Yaek gvaq ciuh hauxseng, Doegrengz mbouj lumj gaeuq.	Sai: Laeh duzvaiz haeuj ndoeng, Ok gyangroen daeuj liuh, Yawj mbouj raen lauxbiuj, Gag liuh gag najmong.	Mbwk: Naeuz mbouj heiq mbouj heiq, Duzmou geij bak maenz, Dai liux cix mbouj baenz, Ngaenz youq lawz aeu heih.	Mbwk: Siengj gaj mou buenq noh, Yawj mbouj rox mou dai, Bouxhuk gwn bouxgvai, Lau sai ngaenz daengz hoengq.
Sai: Gou gag gwn gag youq, Mbouj miz bouxlawz nai, Siengj daeuj caen ndaenq dai, Gyak myaiz hix ok lwed.	Sai: Laeh duzvaiz haeuj ndoeng, Muengh yahdoengz gvaqdaeuj, Yahdoengz ndiep gvan gaeuq, Gou youq gag simfanz.	Sai: Mou gaeq mbouj ndaej dai, Cwzvaiz mbouj ndaej bingh, Miz gou daeuj guh cingq, Dingq vah mbouj lau goem(sied).	Sai: Mou ndei caeueq mou dai, Da gvai yawj cix rox, Mou dai mbouj baenz noh, Lox vunz mbouj ndaej gwn.
Sai: Gou gag gwn gag youq, Bouxboux raen hix cam, Baenz geq mbouj aeu nangz, Lau mwngz ndang miz bingh.	Sai: Laeh duzvaiz hwnj bya, Ok haw ra yahdoengz, Rox mwngz ngamq bae goeng(gvan), Ce ga roen raeuz duenh.	Mbwk: Duz gaeq iq cix iq, Dai le cix mbouj baenz, Dajciengx naemj canh ngaenz, Da raen mbouj yungzheih.	Mbwk: Siengj yaek bae buenq noh, Rox vunz aeu mbouj aeu, Gai mbouj liux cix haeu, Aeu gijmaz ngaenz canh.
Sai: Boux miz ngaenz miz cienz, Youq mbouj genz mbouj heiq, Mbouj meiz(miz) ngaenz ndaw daeh, Gwn heiq gvaq ciuhvunz.	Mbwk: Gou lij caengz miz gvan, Gag youq ranz ciengx gaeq, Ngaenz mbouj miz ndaw daeh, Baenzlawz ndaej okdou.	Sai: Ciengx mou gaeq lau dai, Raeuz caiq heij guhbuenq, Raeuz guhdoi dajsuenq, Guhbuenq hix ndaej ngaenz.	Sai: Gou daengq mwngz dahnuengx, Gaej luenh siengj baenzlai, Gawq neix vunz fatcaiz, Caeuzngaiz cungj gwn noh.
Sai: Boux miz ngaenz miz cienz, Sien aeu ndaej baz oiq, Gou ngaenzcienz daiq noix, Boux oiq yawj mbouj daengz.	Sai: Bakbak naeuz ciengx gaeq, Mbouj ndaej yamq okdou, Vut naj mbouj leix gou, Sim you lumj feiz coemh.	Mbwk: Ndaw daeh mbouj miz ngaenz, Baenzlawz ngeix guhbuenq, Mwngz caiq rox dajsuenq, Buenq gijmaz cungj nanz.	Mbwk: Gou miz mwngz guh goek, Byaij loek roen mbouj you, Miz mwngz daeuj guh daeuz, Ciuh neix gou miz baengh.
Sai: Ngaenz lai ndaej baz gyaeu, Ngaenz noix aeu baz geq, Vunz baenz boh baenz meh, Gou baz geq caengz miz.	Mbwk: Ciengx mou caiq ciengx gaeq, Ra ngaenz dwk daehbaeuz (daehvaq), Geq mbouj miz boux aeu, Raeuz gag ciengx ndang dog.	Sai: Ngaenz noix cix buenq maenz, Ngaenz lai cix buenq mak, Ngoenz canh bak song bak, Gag miz ngoenz fatcaiz.	Sai: Mwngz aeu gou guh baengh, Gou caen haengj lailai, Ngoenzcog raeuz fatcaiz, Caeuzngaiz mbouj youheiq.
Sai: Ngaenz lai aeu baz gyaeu, Ngaenz noix aeu baz yoq, Gou gag naemj gag rox, Ndaej baz yoq hix baenz.	Sai: Mehmbwk rox ndiep gvan, Youq ranz mbouj ok rog, Gyaeng lumj mou gyaeng hog, Daengzcog yienghyiengh lumz.	Mbwk: Gou hix naemj buenq mak, Fajbak mbouj lumj vunz, Aen lawz ndei cix gwn, Lau vunz naeuz gou coengh(ngah).	Mbwk: Bouxlawz cix yaek rox, Buenq noh hix fatcaiz, Baengh mwngz ukgyaeuj gvai, Siengj lai mbouj miz yungh.
Sai: Miz ngaenz rox aeu nangz,	Mbwk: Ciengx gaeq caiq ciengx mou,		